


177427 I



1422.
Psi
SIGISMVNDI III.
POLONIÆ ET SVE-
CIAE REGIS,

Duce Ioanne Zamoiscio,

Ex Michaelē vtriusque Valachia & Tran-
silvania Tyranno

INSIGNIS VICTORIA.

Per Stanislaum Bartholanum in bello descripta.

Ad Illustrem Hieronymum Gostomski de Lezenice,
Palatinum Posnaniensem, Capitaneum San-
domiriensem. &c. &c.

Ex campo Martis, portantur Martia dona:
Nunc per me dentur, cur tibi Palladia?
Queres? Nam Pallas pariter Dea, Martis & Artis:
Cui mens Arte viget, membraq; Marte rigent.
Hinc hastam, galeam, ac ymbonem, corpore gestat:
Ore premit tacito, maxima consilia.
Hoc donum, tenuemq; licet præseferat Artem:
At Martis SARRI, fortia bella canit.
Teq; decet: Pallas summo quem dicat honore:
Quem Mars ipse suis, muneribusq; beat.

C R A C O V I Æ,

Ex officina Andrea Petricouij. Anno Domini, 1601.

Bukowski 1527

STIGISMVNDI

TOLOMEI

CIA REGIA

LIBRERIA

LIBRERIA

LIBRERIA

LIBRERIA

LIBRERIA

177427
Th



LIBRERIA

LIBRERIA

LIBRERIA

LIBRERIA

LIBRERIA

LIBRERIA

LIBRERIA

LIBRERIA

LIBRERIA

LIBRERIA

Sigismundi III. Poloniæ
& Sveciæ Regis,

Duce Ioanne Zamoiscio,

Ex Michaelē utriusque Valachiæ & Tran-
silvaniæ Tyranno

Insignis Victoria.

Per Stanislaum Bartholanum in bello descripta.



*Onsilium cælo genitū, supremāq; Diuūm (sus
Fata: quibus ducib⁹, magnus ZAMOISCIVS, au-
Multanī frænare trucem: Polyhymnia plectro*

Ausonio resona: factum miretur ut orbis,

Quò maius nullum, presenti contigit aeo.

Pax erat in Regno Lechi, pax aurea, qualis

Vel sub Saturno, vel primi tempore fulsit

Augusti: quando Michael, Græco patre natus,

Et Græcæ fidei, genio stimulatus auaro,

Arte dolisq; prius, Multanis fortè potitus,

Post Transiluanos, illorum Principe cæso,

Subiugat: ac sola Moldauum fraude fugauit

Ex terra, veteri deuincta lege Polonis.

Libera corda quibus, spe ductus pacis eorum,

Vi subita celeriꝝ ingo, laqueare volebat.

Scilicet ex voto latronibus omnia cedunt.

*Iuppiter hoc immane nefas speculatus Olimpo,
Conuocat excelso residentia numina cælo :
Saturnum, armifonum Martem, mentisq; sagacis
Mercurium, roseo Phæbum vultuq; nitentem:
Talia verba quibus, diuino protulit ore.*

*Perfida gens, ductu Graci fallacis, acerbis
Vulneribus, pariter Diuos, hominesq; laceffit.
Sacrilegis aras manibus, pia tecta rapinis,
Innocuos gladio, castissima vincula probris,
Synceros astu, seruili lege solutos :
Denique, cade, foco, vitiis, aliena profanat.
Nec putat, è cælis vindictam instare malorum :
Præsidio & firmo muniri innoxia corda.
Si casu, nostrum variari intelligit orbem :
Fallitur, Arbitriis diuinis sceptrâ reguntur :
Cunctaq; diuino voluuntur cardine regna.
Decretum est igitur Gracum punire scelestum.
Per quem res peragi possit, perquirere vestra
Vota mihi primò visum est. Licet hunc ego vellem,
Qui gemino Bruto, & geminis Scipionibus esset
Persimilis, quorum ut Romam seruauit uterq;
Sic idem regnum possit seruare Polonum.*

*Papirio, Cincinnato, Furioq; Camillo,
Saturnus voluit similem : Cyllennius autem
Talem, qualis erat quondam Hannibal, atq; Philippus
Rex Macedo, paribus clari virtutibus ambo.*

His in-

His interfatur, prudens consultor Apollo.

*Quid multos, inquit, percurritis ore potentes,
Illa etate viros? Unus ZAMOISCIVS illos
Continet, atque Duces unus complectitur omnes.
Papirios, Cincinnatos, Furiosq; Camillos,
Hannibales, Brutos, Scipiones, atque Philippos:
Et quos vox numerare omnes, vix ferrea possit.
Illius est nobis, virtusq; fidesq; probata,
Contra inimica Diis, imitantia facta Gigantum
Pectora: quæ terris nos supplantare volebant,
Et regimen nostrum: iustis quod partibus orbem
Diuidit, & gentes distincto limite claudit.
Senserat hunc Teuto, Moscus, Geta, Turca: superbus
Sentiat & Græcus victorem sentiat iste.
Excessus similes, similis quoque pœna manebit.
Annuit his Phœbi dictis astræa corona,
Hancq; voluntatem, solio demisit ab alto,
In magnum Sarij pectus: quam firminus imo
Pectore dum fixam sentit, cernitq; salutem
Communem hac niti, varias conquirere cœpit
Mente vias tacita. Scit iam Respublica quod sit
A multis deserta: videtq; manere lacertas,
In gremio matris: quæ partim viscera mordent
Illius, externis partim laniatibus illam
Exponunt: sibi totam incumbere denique molem
Conspicit: hancq; sibi deferri calitus audit.
Ad superos ergo conuersus talia supplex*

Fundit cum lachrimis tristi de pectore verba.

*Quod maius scelus est, patriam quàm velle perire?
Proch dolor, ecce volunt multi: seruare iubetis
Illam me solum, vobis parebo libenter:
Et vestro fultus, tentabo iuuamine cuncta.
Admouet inde manum facto, Regisq; tabellis
Per regnum sparsis, potuit quos congregat omnes:
Cum quibus, in patriam versum prosterneret hostem,
Non desunt inter pungentes lilia spinas:
Sed veluti primi, rutilant post frigora flores;
Sic post Sauromatis monstrata pericula, primus
Flos Procerum, subito cepit concurrere ad arma.
Zbarasii, Visnouieci, Hotkenici, & ambo
Danielouici, tum cætus Potociorum:
Tecin, Herbolti, & pulchrum decus Ostrorogorum,
Lasci, Vrouieci, Firlai, Tarnouj, &
Sieniauius, Karnkoui, & Vapoui: omni
Denique Sarmatæ Procerum de sanguine primi,
Quos vix longa nimis complecti pagina possit.
Neruus adhuc aberat belli: Respublica discors
Quem non contulerat: sed dux ZAMOISCIVS ipse;
Ipse suas & opes & vitam, cunctaq; chara,
Unica spes matris, matri obtulit, unica planè
Anchora, pro cunctis se fluctus contulit inter:
Unius auxilio, ne publica cimba periret.
Felix qui vitam tali ratione gubernat,
Ut iacturam eius fa. iat, quando urget honestum.*

Felix

*Felix diuitias qui sic expendit in usus
Luxuriae penitus vacuos, ut tempore certo,
Dûs, patriae, sibi, tum cognatis, seruiat illis.
Ergo pater patriae, spes, anchora, vita, salusq;
Sarmatiae, mediis ad bellum rite paratis,
Ut verus custos, verus Dux ipse prauiuit.
Primaq; Gliniani statio, Treboulia verò
Altera ei fuerat, multis habitata diebus.
Tandem post Scallam fuerant dum castra locata:
Aduenit patriae, spes altera & alter Achilles,
Zolkieuius campi Ductor, cum gente: scelestum
Qua Naleuakum vicit, qua limen ab hoste
Defendit patriae, veteres unitq; cohortes
Conscriptis nouiter, coniungit castraq; castris.
Hic in concilio Procerum numeroq; frequenti
Militiae, Dux hoc omnes sermone petiuit.*

*Dûs grates refero, patriae flagrantis amore
Quòd mecum, somnum & quorundam temnitis altum:
Sub quo Multanus, terras partitur auitas
Vestras, ô clari Proceres. Hic mœnia Craci,
Sarmaticiq; (inquit) teneat primordia regni:
Isteq; Lituanos, tu prata Podolica, at ille
Liunones: horret reliquum sed lingua referre.
Sparta hæc vestra, sacro maiorum sanguine constat:
Proch dolor, hancne lupum vilem laniare sinemus?
Raptaq; post nobis Moldauica iura superbit:
Armis prado ferox nostrisne ferociet in nos?*

Quid mul-

Quid multis opus est? Vestrarum incendia fumant
En iam Villarum: populari nostra sinemus?
Talia non patitur Lechi generosa propago.
Quare communem leti tendamus in hostem:
Vos precor, ô Superi, iusto benedicite bello.

Dixit, & astantes generoso corde fremebant:
Offerriq; sibi latronem protinus optant,
Ut citius pœnas ex illo sumere possint.
Tunc alacres avidosq; iubet prodire, noueno
Agmine distinctos, facilis progressus ut esset.
Ordine Mars floret, fundatur in ordine bellum.
Tuq; præis forti Zolkeui pectore primus,
Ut frangas primam glaciem, & sitientibus armis
Obtrudas hostem: tua post vestigia tendunt
Fortis Sobiesius, fortis tum Golscius: instat
Indeq; Urouieci, tum Potocij, & Ducis agmen
Herbolto duce: Myscouius, Droiouius, acri
Cum Strusio, turmatim alios in fine sequuntur.
Tunc sua procedunt currus post agmina: currus
Mobilis Urbs, comitansq; penu, currentia castra.

Quando iam rapidi spumantia littora Niestri
Gensq; inimica metu pauitans, trans littus adesset;
Dux prius igniuomis mortem spirantia buccis,
In scopulo tormenta locat: sic fortibus alis
Agmina cincta, vado, fluuij transire profunda
Effecit: iustis respondent omnia votis.
Tunc Udra & Delmarco, fugæ se fidere passim
Incipiunt.

*Incipiunt. Fuga latrones demonstrat, at acris
Signa viri, rigido superare pericula ferro.
Hoc Turca aspiciens partim letatur adesse
Hosti iam finem, Turcarum clade superbo :
Partim Sarmaticis cingi se viribus horret.
Nam ceu communem, lacerari à Tigribus Ursum,
Aspectare procul incundum : rursus habere
Indeque vicinos, gelidi res plena timoris :
Sic res ista metum Turcis & gaudia profert.
Quare legati varij mittuntur, ut imus
Constet iis sensus, sed verba seni dare cauto
Durum. Christicola paganica retia norunt.
Ergo velut praeda fugientis, tergori adheret
Venator : sic diuinus ZAMOISCIVS, hostis
Tergoribus Valachi, latis incumbere turmis
Non cessans, illum victrici Marte lacescit.
Aut ergo capita, aut capti, aut vexilla feruntur :
Progressu in medio, lati prænuntia finis :
Effectus belli faustos exordia monstrant.
Non tamen hinc quidquam vigili de mente remittit
Dux prudens : sed fortunam vitream esse recordans,
Frangi dum resonat, toto conamine cuncta
Exercet : summo superat sudoreque cunctos
Peruigiliis studij, sociis exemplar ut esset :
Fortunamque labore graui sibi mancipet, ut quo
Ipse velit, semper fortuna sequatur eundem,
Sors nisi sit deserta, prius non deserit illum.*

Tandem traiectis, Pruto, Dziezaq̃, Soczauam
Metropolim gentis Venit : quæ desuper arcem
Munitam retinet, tunc hostis milite plenam :
Interea Verò Kapturi, præfuit arci,
Vir dubiam belli sortem, tentare paratus.
Radices Urbis lambit : sinuosa Soczaui :
Post cuius sparsas diuersa parte paludes,
Castra locat : primo murisq̃ carente recepta
Urbe, foco & ferro perfringere destinat arcem.
Sed sacra fata, trahunt aliorum : nuntius alto
Aethere delapsus, summo demissa Senatu
Talia Verba, Ducis placidas immisit in aures.

Maio rem campum, Virtus tua, magne requirit
Zamosci; totus maiora expectat & orbis,
Quàm castelli huius ferre expugnatio possit :
Longior obsidio paucorum, quam tibi reddet
Materies laudis Michael, quem Vincere debes,
Et cuius tua deposcit Respublica cladem.
Quare age, rumpe moras, fati procede secundis,
Contra Multanos : quibus hinc latrone fugato,
Pro libito Dominum statuas, noua iura nouasq̃
Leges imponas : quorum moderamine lati
Esse queant : fessi placidaq̃ quiete fruantur.
Nam qui aliena rapit, meritò sua perdere debet :
Et bona ab indigno, diuina potentia transfert.

Dicta Duci placuere : licetq̃ fuit breue tempus,
Et res magna nimis : duplex prouincia namque,
Multis

*Multis æqualis protenso limite Regnis,
 Mensibus ex latrone fuit lucranda duobus.
 At quia nil magno magnum est, iter arripit illuc.
 Ad summum Virtus, summo conamine tendit.
 Interea Michael trans Alpes hæserat, oram
 Transiluanorum, furibunda cade cruentans.
 Illuc Potocium premisit, Dux prius omnes
 Explorandi aditus causa, recta quibus ire
 Contra latronem statuit, post saxa latentem.
 Prædo fugit campos, rupes ac inuia quærit,
 Conspicuo & Marti pauidus se fidere non vult.
 Sed quæ petra rigens niuib, quæ ferrea turris,
 Diuino possunt aditus prohibere furori?
 Transilit & montes, & aquas, & mœnia, forti
 Otior & vento, assequitur vindicta scelestum.
 Nam felix, Scucio post pacta sub arce relicto
 Dux, ad Moldauam fluuium tum castra locabat:
 Cum Transilvani, postquam sensere Polonos,
 Arma suum contra rigidum sumpsisse Tyrannum.
 Hunc subito dextris ultatricibus undique cingunt.
 A quorum iusto dum se seruare furore
 Arrepta trepidante fuga, consideret: imum
 Cæcus, in interitum ruit: euitansq; Charybdim,
 Incidit in rapidam certus de littore, Sirtim.
 Quò fugit, huc celeri tendebat Sarmata cursu,
 Rumpere Bistrzica quem non potuere fluenta,
 Angustum nec iter siluarum, vel propè Bacow,*

Vel propè Romanow, dudum desuetaq; callis
Circa Foxani : terrarum ubi meta duarum.

Quando sub Bodzow (Multani Principis olim
Quæ prima Urbs fuerat) ventum fuit : obuia fama
Aduolat, inuisum Michaellem instare propinquè,
A Transiluanis Ultrici Marte fugatum,
Sauromatas contra, populum viresq; parantem.
Quare firmavit gentem ZAMOISCIVS illic,
Castraq; : tunc Austrum versus, quæ templa tuentur,
Bombardis intus positis stringentia campos.
Multiplici torrente latus Boreale reuinxit,
Distractum flumen Bodzow : circumq; coronant
Connexi currus, subitis insultibus apti.
Illuc Potocius rediit, fulgentibus armis,
Et virtute nitens : qui prima pericula belli,
Ingenio, & verè generoso pectore vicit :
Præruptas dum, Sarmaticus velut Annibal, Alpes
Præuius ad Transiluanos cum milite transit.
Conflictus primi, & nactus præclara trophæa,
Post redit, explorata ferens commissa, suosq;
Mirificè recreans, animansq; ad fortia bella.
Sicut ab adiectis surgunt incendia tædis,
Unius exemplo sic belli audacia crescit.
Hûc quoque Kosaci veniunt, ter dena ferentes,
Et septem vexilla, feroci milite plena:
Quos frustra voluere malo tardare susurro.
Omnibus inuictum, vincit contraria verum.

Hûc

Hûc & Moldavi celsis ex rupibus atque
 Ex siluis, belli fortunam prospicientes
 Accurrunt trepidi. Gens quæ caret arcibus illi
 Se reddit, felix ad quem victoria tendit.
 Hûc à Kapturi, legati scripta tulêre,
 Soczanam quibus, accepto sub fœdere, dedunt.
 Hûc & fama volans, à multis ante diebus,
 Nuntiat, intenti lecto populi grege cinctum,
 Versus eam partem, Michaelém tendere : quô iam,
 Ignarus fuerat gentem venisse Polonam.
 Et præit & sequitur, præceps vindicta malignum.
 Incurrisse videns in se ZAMOISCIVS illum,
 Oblatum sensit, sibi iam diuinitus esse,
 Præmia pro meritis scelus ut condigna referret.
 Quare venator præda de forte reperta,
 Sicut letatur sua mox & retia tendit :
 Sic letus belli ductor, læta agrina contra
 Latronem ire iubet : quem primò in montibus altis
 Conspexit, latè diuersa per inuia gentem
 Monstrantem iuga. Marte timet concurrere latro,
 Spes eius dolus est. spes est incurio fallax.
 Hunc contra bello, fortis contendit aperto
 Dux : latus & subitò prima virtute sinistrum
 Concutit, hoc autem diuersa cade cruentum
 Per colles fugiens, exanguia corpora linquit :
 Deserit & passim proiecta insignia belli,
 Deserit & socios viuos in vincula raptos.

Iam quoq; captiuos, Vinculis onerare molestum:
Bruta armenta velut, pelluntur fuste gregatim.
Res indigna, feras imbelles fune ligare,
Fortes Vincula decent, fortes onerantq; cathena.
Inde latus dextrum feruens petit : arma sed illud
Detrectans conferre, fuga trepidante recedit.
Vallis Utrinq; fuit tunc interiecta, per illam
Sarmata transiliens, montes cursim petit altos :
Ac totam frontem, quamuis conamine anhelus
Inter præcípites saltus, de monte gregatim
Depulit, ense truci pauitantia tergora cadens.
Demum Multanos cernens se præpete cursu
In collum planè dare, sese colligit, atque
Sanguine cæsum spumantia tela recondens,
Agmina cum latus spoliis ad castra reduxit.

Altera lux oritur, quæ vix radiare sereno
Cæperat exortu, cùm castris aggere cinctis
Excurrit Michael, cursumq; capeßit ad Alpes :
Persimilis lupo, ouans viridi quem commouet antro
Insectatorum series : tunc percitus ille
Aufugit ad montes, multoq; exercita ferro
Saucia terga trahens, angusto forte reperto
Hæsit in ingressu : quò cùm penetrare cohortes
Non possent auidæ (nam nox & fossa fuère
Illis obstaculo) penetravit ferreus imber.

Quis tua ZAMOISCI referet præconia dignè ?
Quæ tunc es meritis, quando ad Ploueste relictus

Castris,

*Castris, delectu sumpto de gente Polona,
Illo sic hostem victrici robore sternis,
Ut fulmen caelo descendens obuia rumpit.
Est vallis per quam celebris via tendit ad urbem
Brassouiam à Ploueste, tribus circumdata circum
Montibus : ingressus cuius fluuius, atque palude
Alluitur : porta speciemq; referre videtur
Silua, locus belli celandum natus ad astum.
Hic fuerat portus, certum & Michaelis asyllum,
Quò vitare fuit solitus discrimina belli.
Hicq; latens, veluti Pluto consueuerat alter,
Sapius innumerum in Turcas immittere lethum.
Hic quoque tunc triplo maiorem, gente Polona,
Inclusum tenuit populum, quo nocte volebat
Irruere in fessos. Vigilanter sed leo dormit,
Sentit & in medio celata pericula somno :
Sentit & anticipans hostis ZAMOISCIVS ausum.
Magna difficiles accessus menteq; vincens,
Illic certamen statuit committere summum.
Summa petunt aquile, queruntq; ferocia tigres :
Corpore nec vili, triplex immergitur hasta.
Ergo primates tacito sermone petiuit.
Nunc animis magnis, cur non inuadimus hostem?
Ac insperatis subito non vincimus armis?
Victricis facunda parens occasio belli.
Eia agite, ac mediam post noctem surgite mecum,
Auxiliante Deo cras est vindicta malorum
Nostrorum*

Nostorum facienda: virens cras palma laborum.
Nondum sol vultu, caput radiare corusco,
Quando iubet castris alacres exire cohortes
Dux letus, sentit casus mens lata futuros.
Etsi non frustra, veteres prenuntia servant,
Hec in progressu nuper portenta fuere.
Bis seræ flagrante die, stridentibus alis
Latantes aquile cætus cinxere corona.
Nocte sub obscura, visus radiare deinde
Sanguineis Aquilo fulcris terrentibus hostem.
Sed nec in ingressu belli presagia desunt:
Illuxit Phæbus, neque Dux deuenit ad ipsum
Hostis conspectum: noctem cum Iuppiter atra
Protraxit nebula, quæ illum deduxit ad ipsa
Ostia castrorum Michaelis: ibiq; locato
Disparet. Iustis cælum ac elementa fuere
Sæpè ministerio: Iosue sol promouet olim
Ultra puncta diem: noctem astra benigna retardant
At tibi ZAMOISCI tua virtus subdit olympum.
Postquam dillapsa nebula, deuenit ad hostem
Dux: in monte locat maiora tonitrua belli,
Castra quibus, gentem ac Michaelis in ordine stantem,
Hinc bene conspicuam, hostili ratione salutat.
Ac veluti, quando prædonum turba coire
Sæpè solet, rigide cadis tum plena rapinæ:
Et quasi nil sperans tuto requiescit in antro,
Tum vindex iustus, rutilantia fulmina cælo,

Spargit

Spargit in incautos : quæ crebra morte laceſſunt
Latrones : illi & culpa formidine moti,
Et grandi rumore tremunt : pauitantia toto
Corpora diſſiciuntq; ſpecu : ſed ſæua furoris
Euitare ſuo nequeunt conamine tela.
Sic actum fuerat cum iſtis prædonibus, alto
Quos ex monte, ſeris ZAMOISCIVS iſtibus ante
Quàm poterant unquam ſperari concutit : illi
Et ſcleris morſu trepidi, quòd fraude Polonam
Vaſtarent terram, crebra rabieq; globorum
Exanimis facti, nunc hùc nunc protinus illuc
Turmatim currunt, ſequitur quos forte tonitru,
Glandeq; fulminea paſſim per compita ſternit.
Poſtquam mens hoſtis benè iam conſpecta, locoq;
Agmina tormentis contraria mota fuiſſent :
Iamq; omnes curruſ, tentoria, caſtraq; curſim
Arripuère fugam : Dux in qua immittere gentem
Noluit : adferret cupidus ne præda ruinam.
In dextrum primò, tandem cornuq; ſiniſtrum,
Ac ipſam frontem, certas iubet ire cohortes,
Ipſeq; poſt acies ſequitur, ſi forte vacillent
Adiuuet ut primos : belli fluctuſq; retundat.
Tunc omnes magno concuſſi laudis amore,
Per Valles, per aquas, per ſilvam præpete curſu
Ardentes pugna currunt : ac quiſque perennem
Conciliare ſibi laudem in certamine tendit.
Magnum calcar honos, magnum certamen honoris.

*Limosum primo Telasin fluvium, inde paludem
Traiciunt pedites : quibus & cum gurgite lato,
Et cum Multanis fuerat certamen habendum.
Eminus at postquam, bombardis littore pellunt,
(Tunc quoq; quem tormenta alto de monte petebant)
Tandem vulneribus pressere ferocibus hostem.
Iamq; labor tanta cedis, sudore furentem
Oplebat pediti vultum, cum parte sinistra
Accurrit delectus eques, mox parteq; dextra
Kosaci penetrant, summo conamine siluam,
Vis postquam, passim insists, inimica latebat.
Ergo Kosacos hac irrupisse videntes,
Qua non sperauere, dolos celasseq; frustra
Dum cernunt : ceu nil aliud restaret iisdem,
Quod possent tentare, fugae se fidere totos
Incipiunt : alij protensa calleq; currunt,
Conscendunt alij montes, ac arma molesta
Abiciunt lasi, leuior fuga constet ut illis.
Quos primi cadunt equites peditesq; Poloni :
Qui ceu falx segetem, sic illos ense metebant.
Tunc quoque Sarmatici primaria robora Martis,
Accurrunt acies hastata, hostemq; sequuntur,
Feruida percupidi restinguere sanguine tela.
Fluctuat omnis ager, tepido iam sanguine, plena
Prata cadaueribus : quando cantare receptum,
Extrema & cedi Dux clemens parcere mandat.
Non sic terribilis, capreis fit turba leonum :*

Sicut

Sicut erant ter quinque Polonica millia, tetri
Quinquaginta simul collectis millibus hostis,
Et paucas poterunt annales dicere pugnas
Huic nostra similes. complent hostilibus arua
Nam dum cuncta cadaueribus, cecidere Poloni
Tunc tantum duo. Rara carens victoria damno.
Quò tua tum Michael rabies, quò denique cessit
Hectoreum robur ? quò dextra armata feroci
Ense, tuis portas inimica per agmina pandens ?
Cuncta velut fluctus, consueti mergere naues,
Sarmatici ad scopulum Martis, contrita resultant.
Alta petis inga ? iuste, nam nimium alta petebas,
Pronus equo fugiens ruis ? & tua tota vicissim
Sors tecum ruit ; ac toti denunciat orbi :

Momento à prauis Superos transferre coronas.

Post solitas laudes, Christo gratesq, solutas,
Quas Dux in terra supplex prostratus agebat.
Altera lux spoliis fuerat concessa legendis :
Quà, vexilla Duci, centum terdenaq, portant :
Aduoluunt quadraginta tormenta, trophæa
Multaq, Sarmatico victrici parta labore.
Indeq, aceruatim conduntur, caesa sepulchris,
Corpora : quæ scopuli supra texere recentes,
Mansurum cladis monumentum in secula cuncta.
Sic iam priuato, sceptris Michaele tyranno,
Hieremie Mohila, Moldauica dedita terra :
Simeoni fratri, Multanica, utrisque Polonis

Nobilibus: sed ea sub conditione, duobus
Sauromata & Valachi, nullum discrimen ut esset.

Publica res gaude, tanto decorata Patrono,
Vitam pro meritis, illiq; precare perennem:
Perpetuo ut uiuat, uiuat ZAMOISCIVS auo:
Qui te à quadruplici deffensam cardine mundi,
Nunc etiam duplici terra dilatat ad Austrum.
Et tu SIGISMVNDE simul, Rex inclite, gaude,
Lumine tam claro cuius diadema refulsit:
Et cui Dux talis, tali cum milite seruit:
Cum quo dum bello furibundo dimicat ille,
Magnus Alexander, multisq; sibiq; repente
Qui visus fuerat, totum & compleuerat orbem
Herculeæ fama: summa cum laude tuorum
Inuentus pastor gregis: & sic victus ab illis,
Illorum ut cuncto vigeat victoria seculo.

Cum sit conspicuum mundo, sic esse: quid obstat?
Cur Romana fides, tali Duce prædita, duris
Non se compedibus Turcarum liberat? acris
Curq; Polonus eques, campis non pellit apertis,
Germanusq; pedes, non deiicit arcibus, hostem
Romanae fidei, vitæ, charaq; salutis
Communem: communis utrisque ut fama resultet:
Posteritas similes, statuatq; duobus honores.

VALACHICÆ VICTORIÆ
IOANNIS POTO CII
CORONIS.

Per Stanislauum Bartholanum scripta.

N Ec tua, POTO CI, præclara silere trophæa
Musa potest: quæ tu vestigia magna sequutus,
Virtutis Zamosciana, hac ratione parasti:
Quali latatur, soboles generosa leonis.
Nam leo dum laniat prædam, plerumque relinquit,
Semianimem hanc auido comiti, virtutis ut eius
Splendorem elliciat: letus consurgit at ille,
Denuò luctantem, sternitq; ferociter hostem.
Sic leo Sarmaticus Valachis processit in oris:
Iudicium cuius diuinum ac ritè beatum,
Nunc quivis dicat, gravidam quòd litibus oram
Antinoo similem, comiti commiserit illi,
Qui spem conceptam de se superauerit omnem.
Est Deus in magnis heroum mentibus ima:
Atque Ducum semper præcordia, fata gubernant.
Ergo POTO CIIVS commissum obeundo laborem,
Tunc primùm deducendi Simeonis ad arcem
Multanica sedis: quo iam prauenerat agmen
Turcarum, Radulam cupiens in sede locare,
Sicq; volens armis quesito obsistere iuri
Sarmatico: primò Turcas hinc Marte fugare,
Multania lectiq; Ducis, de gente Polona,

Sanguine Turcarum leges describere pergit.
Undequē iam versus patriam ZAMOISCIVS iuit,
POTOCIVS Targouiciam rectā inde petebat.
Quod postquam tumidi Turcæ sensēre, minarum
Legatos mittunt plenos : Radulamq; tueri,
Ac Lechos ingressu Urbis prohibere paratos,
Se referunt. Sed res potius, non verba requirit
Mars rigidus : cuius fultus conamine tendit
POTOCIVS, sic iam cernentes proxima Turcæ
Agmina Sauromatum (quamvis maiore prairent
Hos numero) victi primo terrore fugantur,
Ora virū lepores galeati cernere nolunt.
Sic Targouiciæ Simeonem in sede Ducali,
Cum veteri solito patribus natisq; triumpho,
Collocat : & quod erat totius cardo laboris,
Surgentem extremo Michaelē robore priuat.
Nam veluti languens violentis ictibus anguis,
Sit licet extenso contusus corpore totus,
Sit licet in varias, dissectus denique partes,
Si capiti saltem à funesto vulnere cavit :
Multa nocere potest nihilominus, atque cruento
Exerit ore, minans mortem, lethale venenum.
Sic angui Michael similis, dissecta suorum
Membra vidēs, caput ipse tamen leuat, atq; resumēs
Iam bene compressos ausus, cum milite lecto
Extremo qualem vix iam conduxerat ere,
Vi desperata Targouiciam petit, omnem

Pro pa-

Pro patria amissa casum tentare paratus.
Talia P O T O C I V S postquam persensit, inhaeret
Exemplo Zamosciano : nam castra relinquens
Nocte sub obscura properat cum gente sub hostem,
Post Ardziß villam & fluuiũ, tunc forte morantem.
Nox erat interea niueis asperrima ventis,
Atque gelu stringens ingenti frigore membra,
Ut sit in his terris, sexta radiante Decembris
Luce Kalendarum. quod maius, fluminis unda
Traiicienda fuit scapulis tenuis : unde vel asper
Horror membrorum, vel mors metuenda fuisset,
Non benè vestito pediti : sed cuncta, Polona
Hac virtus vicit, pro laude, subire parata,
Aspera cuncta, hyememq̃ imbresq̃, famemq̃ sitimq̃.
Ergo traiectis Ardziß feliciter undis,
Stricta gelu, belli feruore resolvere gestit
Membra, feroxq̃ animis conclamat ad arma inuētus.
Arridet passim resonans, hinnitus equorum,
Arridet radiis oriens aurora coruscis.
Instruit hinc acies, placido P O T O C I V S ore,
Ac inuectus equo partes discurrit in omnes,
Ad cuius nutum loca mutat feruida pubes.
Diuersus diuersa situs, certamina poscit.
Pars leuioris erat pugnae, tentare parata
Primam fortunam, primosq̃ subire labores:
Partim bombardis, partim decorata pharetris.
Pars hastis infesta ferocibus, obuia quauis

Asperiora

*Asperiora potens rigido disrumpere nixu.
Pars pedes igne ferox, gladiis præcinctaq; curuis,
Cum qua tardanti gressu tormenta vehuntur,
Acneâ, multiplicem sonitu generantia mortem.
E contra Michaelis ouans exercitus, omnem
Spem locat in numero (superabat namque Polonos
Quintuplici ratione) loco fidentq; benigno.
Udra fuit belli princeps, in fronte locatus:
Baban in insidiis, obscura in Valle latebat,
Ipseq; post montes Michael, tunc haeserat, armis
Non fidens ullis. Sic dux & miles ineptus,
Mauult obiectu sese deffendere montis
Unius: armatum triplici quàm pectus ahenò,
Hosti sanguineis armis offerre furenti.
Ut sonuere tuba diuersa voce canora:
Ut creber tonuit sparsus per timpana rumor:
Lechi fulmineis inuadunt ictibus hostem.
Qui dum prostratis sociis succedit, amaram
Hastarum funesto excæpit corpore siluam:
Siluam, Multanos quæ sic dispersit ut Eurus
Infesto cumulum palearum flumine spargit.
Insistunt equites peditesq; ferocibus armis,
Diuersos colles sectoq; cadauere replent.
Debetur meritò, vindicta rebellibus atrox.
Elapsos mortem rara ceruice reiectum
Harens post montem, hoc Michael clamore petebat.*

Dicite

Dicite causa fuga qua sit, quam praepe te cursu
Arripitis? dicunt: Abiisse putauimus hostes,
En securi ab iis inuadimur, omnia plena
Prata cadaueribus nostris. interrogat ille:
Quanti sint cæsi? respondent: quos tribus annis
Ægre consumet Multanica bruta canum Vis.
Tunc risum vultu contraxit, ferreus olim
Bellator, factus fortuna risus, ab alta
Illum quæ statione, locum detrusit ad imum.
Fortunam scitè tractes, quicumque secundo
Per callem incertum salis ad fastigia cursu.
Ultima sed nec adhuc Michaelis pœna scelesti:
Vix etenim hæc pertransit, & altera protinus instat.
Labitur excelso qui culmine, semper habere
Peiorem solitus primis, in fine ruinam.
Mandat P O T O C I V S, fugientem parte sequantur
Qui varia: spes certa, prout bona perdidit, ipsa
In persona etiam, passurum extrema malorum.
Denuò sic castigati subdunt sua colla,
Accisi sed iam maiori parte, rebelles
Multani. Fausti quos prima pericla coercent.
Post tam magnificū P O T O C I & nobile bellū,
I læto auspicio rutilantia sidera scande:
I reple mundum fama, qua fidus Achates
Repleuit: Zamosciana & sic gloriæ adhære,
Hesperus ut roseo soli rubicundus adheret.
Vixit nam vixit victoria, quando Scytharum

*Millia plus centum, gentis vix quinque Polonæ
 Millibus, ad fluvium Cocoram, ZAMOISCIUS ausu
 Planè increduli vicit: captumq; Ducatum
 Restituit patriæ: ac primus subiecit eundem
 Hieremiæ, lecto de nobilitate Polonæ.
 At vivet quoque POTO CI tua gloria: nam dum
 Hieremiam vellet solio detrudere Rozwan:
 Te duce vix uno vidit sua millia septem
 Deleri penitus, palo solusq; pependit.
 Stat Zamosciani facti stat fama, perenne
 Ac eius lumen, strato ex Michaelæ tyranno
 Quasitum: nec adhuc concrevit sanguis, abundè
 Ex hostis scelerum sociis fusus: tua quando
 Ingens dexteritas belli resplendet, eodem
 Ex Michaelæ, tuo victrici parta labore.
 Quare Sarmatici felicia lumina regni,
 Tuq; pater patriæ, tuq; inclita gloria matris,
 Vivite felices, laudem & cumulate Polonam.
 Virtus vestra precor, tam longo splendeat ævo:
 Tempore quàm longo lumen durabit in orbe.*



Biblioteka Jagiellońska



stdr00000264

